

Sydomlětny wobswětowy projekt w knižce předstajeny

„Džěci wsow“ pomhaja přirodu škitać

Mikow (SN/M.L.). Srjedźna šula „Komenskeho“ w Mikowje bě wčera městnosć wažneho podawka: Šulerjo rjadownjow 7a a 7b dožiwichu knižnu premjeru němskorěčneho spisa „Džěci wsow“, kotryž je na njewšědne wašnje a we wuskim zwisku z kubłanišcom nastał. Před sydom lětami bě zarjadnistwo biosferoweho rezerwata Hornjołužiska hole a haty zhromadnje ze šulerjemi Mikowskeje šule jara powučny projekt zahajiło, kotremuž dachu mali wobdźělnicy sami mjeno „Džěci wsow“. Jeho zaměr je, džěcom z praktiskej wólnočasnej zaběru a we wuskim zwisku ze zwěrjaty a rostlinami dobre znajomosće wo přirodže posrědkować a jim ekologiske myslenje a jednanje přikublać.

Wuchadzišćo bě wobswět šulerjow Mikowskeje šule, do kotrejež chodža džěci z dwanaće wsow mjez Wysokej Dubrawu a Klětnom. Šula leži tak wosrjedź 26 365 hektarow wulkeho biosferoweho rezerwata z tysac hatami. Hižo šulerjam zakładnych šulow zmóžni projekt tójstow dožiwenjow z přirodu a z tym zrozumjenje jeje zakonjow kaž tež spóznać trěbnosće ju a wobswět škitać. Džěci hladaja biotopy kaž wjesne haty a připrawichu zelenišća z domjacymi rostlinami a kwětkami. Šulerjo wyšich lětnižkow přeslědžichu kulturnokrajne rumy kaž haty, pola, lěsy, huki a sydlišća za tym, kotre zwěrjata su tam pod kotrymi wuměnjenjemi žiwe a kotre rostliny tam rostu. Pjatnaće šulerjow přeslědži žiwjenske wašnja nje-

topyrjow a zapisa městnosće, hdžež wodnojo přebuwaja. Druzy šulerjo připrawichu škitane naprawy za insekty a ptački. Wjeršk projekta bě mjezynarodny workcamp w Mikowje z wobdźělnikami z Pólskeje, Jendźelskeje a Italskeje, w kotrymž nastachu wumělske wudźělki kaž hrajne klanki a keramika.

Diplomowy biologa Markus Dietz a pedagogowka Tanja Meißner staj w nadawku biosferoweho rezerwata projekt „Džěci wsow“ wuspěšnje nawjedowalaj a wo tym manuskript spisałoj. Fotograf Thomas Stephan je 36 barbných wobrazow dodał. Nasta zajimawy spis z praktiskimi pokiwami a narokami za pedago-

gow, za staršich a druhich, kotřiž so wo zmysłapołny wólny čas džěciny a młodosnych staraja.

Budyske nakładnistwo Lusatia je w nadawku biosferoweho rezerwata 96stronsku knižku „Džěci wsow“ wudało. Nakładnik dr. Frank Stübner je wčera Mikowskim šulerjam nastace edicije rozložil. Nawoda rezerwata Peter Heyne přepoda kóždemu šulerjej sydmeho lětnika darmotny eksemplar. Za 12,80 hr je knižka „Džěci wsow“ na předań w Smolerjec kniharni w Budyšinje, w Zhorjelcu, Niskej a Wojerecach, dokal je nakładnik wčera přenje eksemplary dowjezl, a w druhich lužiskich kniharnjach.



Direktorka Mikowskeje srjedźneje šule Silvia Förster je wčera na knižnej premjerje nowu ediciju „Džěci wsow“ šulerjam doporučila. Foto: M. Laduš